

史通評

新式標點

史通通釋

上海文瑞樓印行

新式
標點

史通通釋卷二

南杼秋浦起龍二田釋

外篇

史官建置

第一○舊有注曰總十四條，非也。其文本通首一片，循代分節可耳。

夫人寓形天地，其生也若蜉蝣之在世，如白駒之過隙，發端庸淺猶且恥當

年而功不立，疾沒世而名不聞。上起帝王，下窮匹庶，近則朝廷之士

，遠則山林之客，諒其於功也，名也，莫不汲汲焉，孜孜焉，夫如是

者何哉？皆以圖不朽之事也。何者而稱不朽乎？蓋書名竹帛而已。「

釋」

原史之所爲作也，史者千秋金鑑，只從名心落想，故曰庸淺。

向使世無竹帛，時闕史官，雖堯舜之與

桀紂，

伊周之與莽卓，

夷惠之與跖蹻，商冒

俱弑父者

之與曾閔：但

一作俱

一

從物化，墳土未乾，則善惡不分，妍媸永滅者矣。苟史官不絕，竹帛長存，則其人已亡，杳成空寂，而其事如在，皎同星漢。〔釋〕折出有史之功用

用使後之學者，坐披囊篋而神交萬古，不出戶庭而窮覽千載，見賢而思齊，見不賢而內自省。若乃春秋成而逆子懼，南史至而賊臣書，其記事載言也則如彼，其勸善懲惡也又如此：由斯而言，則史之爲用，其利甚博，乃生人之急務，爲國家之要道，有國有家者，其可缺之哉？故備陳其事，編之於後。〔釋〕末總括其功用

〔按〕此一段，似是櫛侗總冒，第言史之用重，而無專注之語，似於史官正史二篇，皆可通用；又其舉意出辭，頗淺庸近俗，宜可芟薙

蓋史之建官，其來尙矣。昔軒轅氏受命，倉頡沮誦實居其職。至於三

代，其數漸繁。案周官禮記，有大史，小史，內史，外史，左史，右史之名。大史掌國之六典，小史掌邦國之志，內史掌書王命，外史掌書使乎四方，左史記言，右史記事。曲禮曰，「史載筆，大事書之於第，小事簡牘而已。」大戴禮曰，「太子既冠成人，免於保傅，則有司過之史。」韓詩外傳云；「據法守職而不敢爲非者，太史令也。」斯則史官之作，肇自黃帝，備於周室，名目既多，職務咸異。至於諸侯列國，亦各有史官，求其位號，一同王者。〔釋〕自首至此，遠徵古來史職之名，以及王朝侯國兼設之制。至如孔甲尹逸，名重夏殷；史佚倚相，譽高周楚；晉則伯欒司

籍，魯則丘明受經：此並歷代史臣之可得言者。降及戰國，史氏無廢

蓋一無蓋字趙鞅，晉之一大夫爾，一有猶字有直臣書過，操簡筆於門下；田

文，齊之一公子爾，每坐對賓客，侍史記於屏風。至若秦趙二主，澠

池交會，各命其御史書某年某月鼓瑟鼓缶，此則春秋「君舉必書」之

一本之字重二義也。〔釋〕

此層徵古昔史臣姓氏蹟略，見於史傳者，王朝侯國皆有。

然則

作然

而用官雖無闕，而書尙有

遺，故史臣等差，莫辨其序。〔釋〕

四語統繳，下言諸職中太史尤重也，皆就太史一職言之。

案呂氏春秋

曰：「夏太史終古見桀惑亂，載其圖法出奔商。商太史向摯

呂覽作內

史向摯

依呂覽作

向摯，舊本作高摯誤。

見紂迷亂，載其圖法出奔周。晉太史屠黍見晉之亂，亦以其

圖法歸周。一又春秋晉齊太史書趙二崔

宣崔

襄二

之弑。鄭公孫黑強與於盟

，使太史書其名，且曰七子。昭二年，

上文所引，皆不書年，此三字疑衍

晉韓宣子來聘

，觀書於太史氏，見易象與魯春秋，曰，周禮盡在魯矣。然則諸史之

任，太史其最優乎？至秦有天下，太史令胡毋敬作博學章，此則自夏

迄秦，斯職無改者矣。〔釋〕

徵諸古籍，凡述史事皆稱太史，可見諸名銜中，太史尤爲專職也，此處當分節，舊本連下，便少斷制。

〔按〕此當爲第一節，是建置原始之正文，宜至秦爲截，其前統徵史

官名蹟，其後專歸太史一官，爲漢法緣起也。此篇本通首直下，非分條體也，循代爲節，從古先發端，舊本劃條小注，皆非原文，並去之。

倉頡沮誦

〔說文原敍〕黃帝之史倉頡，見鳥獸蹤迹之跡，初造書契。〔漢獻紀沮誦注〕風俗通曰，沮，姓也，黃帝史官沮誦之後，〔衛恆四體書勢〕科斗古文勢序云，昔在黃帝，創制造物，有沮誦倉頡者，始作書契以代結繩，蓋觀鳥跡以興思也，其字勢云，黃帝之史沮誦倉頡，眺彼鳥跡，始作書契，〔按〕荒略之世，史官有無，奚庸深究，如上所列，亦可据而言已，郭黃諸本曾不知採此，但執所謂歸雲集者，硜硜辯駁，太似不必，

孔甲尹逸

〔舊注〕歸雲集云，孔甲黃帝主書史之臣執青纂記，言，動惟實，又史記云，武王立於社南召公奭贊采，師尙父牽牲，伊佚筮祝，〔接〕逸通佚，疑卽史佚，今以二人屬夏殷，豈別有據邪，

伯鸞司籍

見書志篇籍談注，

趙鞅直臣

〔說苑〕昔周舍事趙簡子立於門三日，簡子問之，舍曰，願爲謬謬之臣，墨筆操牘，司君之過，而書之，日有記，月有效，歲有得也，簡子說，

田文侍史

〔孟嘗君傳〕孟嘗君待客坐語，屏風後常有侍史主記君所與客語，

澠池會

〔廉藺列傳〕趙王與秦王會澠池，秦王酒酣，請趙王鼓瑟，秦御史前書曰某年月日秦王令趙王鼓瑟，藺相如奉盆缶秦王，秦王不懌，爲一擊缶，相如召趙御史

書曰，某年月日秦王爲趙王擊缶，

終古向摯

〔呂覽先識〕凡國之亡也，有道者必先去，夏太史令終古出其圖法，執而泣之，夏桀迷惑愈甚，乃出奔如商，殷內史向摯見紂之愈亂迷惑也，於是載

其圖法出亡之周，晉太史屠黍見晉公之驕而無德義也，以其圖法歸周，〔高誘解〕晉出公之太史也，

且曰七子

〔左昭元〕鄭爲游楚亂故，鄭伯及其大夫盟于公孫段氏，罕虎公孫僑公孫段印段游吉駟帶私盟于閨門之外，實薰隧，公孫黑強與於盟，使太史書其名

，且曰七子，

博學章

〔漢藝文小學家〕倉頡七章者，秦丞相李斯所作也，爰歷六章者，車府令趙高所作也，博學七章者，太史令胡毋敬所作也，文字多取史籀篇，而篆體頗異，所

謂秦篆者也，

漢興之世，武帝又置太史公，位在丞相上，以司馬談爲之。漢法，天

下計書，先上太史，副上丞相，敘事如春秋。及談卒，子遷嗣；遷卒

，宣帝以其官爲令，行太史公文書而已。〔釋〕跟前太史說下，徵諸漢初，職專記載，最爲隆重，其後漸輕

尋自古太史之職，雖以

以字無

著述爲宗，而兼掌歷象日月陰陽管

器一

作

度數。司馬遷既歿，後之續史記者，若褚先生、劉向、馮商、揚雄之徒，並

以別職來知史務，於是太史之署，非復記言之司，故張衡、單飭、王立高

堂隆等，其當官見稱，唯知占候而已〔釋〕

申明上意，謂記載反屬他職，而本職反專占候矣，

〔按〕此爲第二節，愚意分節之法，宜從三代爲界，前用遠古作頭，

後用漢興居首，分割尤爲定當也。史通通部論史，而任史職者，史

官也，故外篇首詳其建置，意綦重焉。漢興，司馬氏父子相繼爲太

史公，而史記始作。故太史一官，遠溯終向，下逮談遷，名又綦重

焉。至孝宣之後，專司占候，而其名始輕，官亦尋改。自是蘭臺東

觀，著作之名，以漸改稱矣，此節實史氏職名沿革之關鍵也。馬貴

與象緯考序本此。

武帝又置至行文書而已

並太史公自序，如淳注之文。〔按〕如淳據衛宏漢儀注云云，臣瓚非之，以爲百官表無太史公，有太史令，索隱

因之以爲公者，遷所著書，尊其父云公也，而所作實遷之詞，衛宏稱位丞相上，謬也，正義又非之曰，虞喜志林云，古者主天官者皆上公自周至漢，其職轉卑，然朝會坐位，猶居公上，尊天之道也，諸說相非不定，錄以備攷，

兼掌歷象

前注已顯，〔又按〕太史公自序談爲太史公曰，余自上世嘗顯功名於虞夏，典天官事，〔報任安書〕文史星歷近乎卜祝之間，〔後漢百官志〕太史令一

人六百石，本注曰掌天時星歷〔注〕漢官曰太史待詔，三十七人，分治歷龜廬宅日時易筮典禋雨醫等事，

褚劉馮揚知史務

〔史記孝武紀注〕韋稜曰，褚顗家傳云，少孫宣帝時爲博士，事大儒王式，故號爲先生，續太史公書，〔漢藝文志〕孝武建藏書之策

，置寫書之官，至成帝時，詔光祿大夫劉向校經傳諸子〔又向本傳〕探取詩書所載賢貞及孽嬖者序次爲列女傳，及探傳記行事著新序說苑，〔又藝文志〕馮商續太史公七篇，韋昭曰馮商受詔續太史公十餘篇，在班彪別錄，商字子高，師古曰，七略云，商與孟柳俱待詔，頗序列傳未卒，〔又〕儒家者流，蓋出於司徒之官，助人君明教化者也，揚雄所序三十八篇，太玄法言云云，〔按〕向雄知史務，又見正史篇，但如志傳所稱，皆不言知史務，未詳何據，

張單王高知占候

〔後漢張衡傳〕衡字平子，安帝徵拜郎中，再遷太史令，遂研覈陰陽，作渾天儀，著靈憲算罔論，〔又方術傳〕單颺舉孝廉，稍遷太

史令，餘見書志篇，王立本詳，〔魏志〕高堂隆字升平，魯高堂生後也，明帝卽位，爲給事中，遷侍中，領太史令。〔注〕魏略曰太史推步爲太和歷，帝以隆學問優深，天文又精

，詔與尚書郎楊偉太史待詔駱祿參共推校，

當王莽代漢，改置柱下五史，秩如御史，聽事侍傍，記跡言行，蓋効古者動則左史書之，當有言則右史書之六字今缺此其義也。

〔按〕此爲第三節。莽何足志？而班史百官表言王莽篡位，慕從古官，蓋其時多所變改，史職名銜，亦見紛更。史既載之，故劉亦及之。

柱下五史 〔王莽傳〕居攝元年，莽置柱下五史，秩如御史，聽政事侍傍，記疏言行，

漢氏中興，明帝以班固爲蘭臺令史，詔撰光武本紀，及諸列傳載記。

又楊子山爲郡上計吏，獻所作哀牢傳，爲帝所異，徵詣蘭臺。斯則蘭

臺之職，一有者字蓋當時著述之所也。自章和已後，圖籍盛於東觀，凡撰

漢記，此當有者字相繼在乎其中，而都爲舊論著作，任著作之務也，時未立著作之名，故謂字誤。竟

作它稱。

〔按〕第四節，志後漢也。蘭臺東觀，著作之所也。班固楊子山，著作之人也。前漢百官表不載史職，而有太史公書可據。後漢更無專稱，故但以其所其人證之。子山於史未見成書，然能爲哀牢立傳，亦可以驗史才矣。史通故與班氏並舉。

蘭臺令史

〔前漢百官表〕御史大夫秦官有兩丞，一曰中丞，在殿中蘭臺掌圖籍祕書，〔後漢百官志〕蘭臺令史六百石，本注曰，掌奏及印工文書〔按〕令史自太尉

司徒以下，諸府屬多有之，非吏局屬員之專稱，

楊子山

〔後漢書〕楊終，字子山，成都人，年十三，爲郡小史，顯宗徵諸蘭臺拜校書郎，〔按〕傳無哀牢傳之文，〔論衡佚文篇〕子山爲上計吏，見三府作哀牢傳不成，

歸郡作上，孝明奇之，徵在蘭臺，〔後漢地理志〕哀牢永平中置故牢王國，〔按〕今爲雲南永昌府，

東觀

見前，又見後節。

當魏太和中，始置著作郎，職隸中書，其官卽周之左史也。晉元康初

，又職隸祕書，著作郎一人，謂之大著作，專掌史任。又置佐著作郎八人。宋齊已來，以佐名施於作下。〔原注〕改佐著作郎，爲著作佐郎。〔釋〕此上述設官舊事

，佐郎職知博採，正郎資以草傳。如正佐有失，則祕監職思舊譌作司其憂

；其有才堪撰述，學綜文史，雖居他官，或兼領著作；亦有雖爲祕書

監，而仍領著作郎者。〔釋〕

此層通之以兼掌見才難之意

若中朝

曹魏西晉

之華嶠陳壽陸機

束皙，江左

專稱東晉

之王隱虞預干寶孫盛，宋之徐爰蘇寶生，梁之沈約裴

子野；斯並史官之尤美，著作之妙選也。而齊梁二代，又置脩隋志作撰史

學士；陳氏因循無所變革。若劉陟一作涉誤謝昊顧野王許善心之類是也。

〔釋〕

此層標舉名其職者以證之。

〔按〕第五節，述魏晉及南朝也。著作之名始於此。其列出諸人氏名，意不在表其人，意在舉其名銜，證當時職制耳。

中祕著作

〔晉書職官志〕著作郎，周左史之任也，漢東京圖籍在東觀。故使名儒著作東觀，尚未名官，魏明帝太和中，始有其官，及晉惠帝元康二年，詔曰，

著作舊屬中書，而祕書既典文籍，今以中書著作爲祕書著作，於是改隸祕書省其大與佐一人，八人悉同本文。〔隋百官志〕祕書省著作佐郎人數亦同，梁初又有撰史學士。

束皙

〔晉書本傳〕皙字廣微，漢疎廣後也，王莽末去疎之足改姓焉。少遊國學，張華召皙爲掾，轉佐著作郎，撰晉書帝紀十志，遷博士著作如故。

蘇寶生

〔正史篇〕孝建初，勅南臺侍御史蘇寶山續造諸傳，元嘉名臣，皆其所撰。寶山被誅云云。〔按〕寶生譌作寶山。正史篇舊本如此，今刊正有注。

劉謝顧許

〔隋經籍志〕齊紀十卷，劉陟撰，唐舊志作齊書八卷，新志作十三卷，〔又隋志〕梁書四十九卷，梁中書郎謝昊撰，本一百卷，唐志作三十四卷，〔又

陳書〕顧野王字希馮吳人，後主在東宮，徐太子率更令，尋領大著作，掌國史，知梁史事，撰通史要略一百卷，國史紀傳二百卷，未就而卒，〔又文學傳〕許亨字亨道，領大著作，子善心早知名，〔北史文苑〕善心字務本，對策高等，授度支郎中，補撰史學士，善心述成父志，修續家書，其序傳末，述著作之意曰，自入京邑，隨見補葺略成七十卷，凡稱史臣者，皆先君所言，下稱名案者，皆善心補闕，〔按〕本節所引十六人，或見前卷，或無傳而有所著，史書略可考見，

至若偏隅僭國，夷狄僞朝，求其史官，亦有可言者。〔釋〕起四句總領案

蜀志稱王崇補東觀，許蓋掌禮儀，又郤正爲祕書郎，廣求益部書籍：

斯則典校無闕，屬辭有所矣。而陳壽評云，蜀不置史官者，得非厚誣

諸葛乎？別有曲筆篇，內篇第二十五

言之詳矣。〔釋〕已上言蜀

吳歸命侯

舊脫候字

時有

左右二國史之職，薛瑩爲其左，華覈爲其右。又周處自左國史遷東觀

令，以斯考察，則其班秩可知。〔釋〕

已上言吳。此二國所謂偏隅也。僭字貼吳說舊本此處截段，非。

僞漢嘉

平初，

劉聰年號

公師或以太中大夫領左國史，撰其國君臣紀傳；前涼張駿

時，劉慶遷儒林郎中，常侍，在東苑，撰其國書。蜀李

義門訂本有李字，他本無，與

西涼二，

一作三非，

朝記事，委之門下。南涼主烏孤，

舊作孫誤，

初定霸基，欲造

國紀，以其參軍郭

舊作郎恐謫，

韶爲國紀祭酒，使撰錄時事。自餘僞主

一作譌作事

多置著作官，若前趙之和苞，後燕之董統，是也。〔釋〕

已上錯舉五胡十六國，有可徵者

及之，其無者不及也，此總所謂僞朝也，

〔按〕第六節旁及偏小僭僞，最爲周密。舊本截作二條，則於節首四

提句不全，故當合之。又諸評不知以人證職，而泛覈史才，浮文妨

要，是謂顧子失母。

王崇許蓋

陳壽蜀志併松之注皆無考。而劉氏顧云志稱所稱，果何志邪，或謂壽又撰蜀古志，儻載之耶，然言古則不及三國時人明矣，惟常璩華陽國志有述作

王崇名一見卷末，官爲蜀守而不言曾補東觀，至掌儀許蓋，仍亦絕無其人也，懸置之以俟後有補者，抑嘗見高江村士奇天錄識餘，有考史一條，其言蜀史則取此立論，然漫襲其文，不書所出，至所出何本，了不推尋也，竊慨讀書底裏求到地者，天下鮮矣，

郤正爲祕書

〔蜀志本傳〕正字令先，弱冠能屬文，入爲祕書吏，轉令史，遷郎至令，〔又孟光傳〕後進文士祕書郎郤正，數從光諮訪

蜀不置史官

〔蜀後主評〕國不置史，注記無官，是以行事多遺，災異靡書，諸葛亮雖達於爲政，凡此之類，猶有未周焉。

歸命侯

吳後主也，見模擬篇，

薛左華右

〔吳志薛綜傳〕綜子瑩，字道言，爲祕府中書郎，孫皓初領少傅，以事徙廣州，右國史華覈疏留之，皓召瑩還，爲左國史，〔又華覈傳〕覈字永先，武

進人，孫皓卽位，後入東觀，今領右國史，

周處左史

〔晉書本傳〕處仕吳爲東觀左丞，餘見書志篇後論，

公師或

見晉書載記，劉淵聰二傳，止書太中大夫無領左史撰記傳之文。

劉慶

見晉書張軌傳，軌孫駿時，載有從事劉慶諫討幸晏語，不及東苑撰史事，「叢書崔鴻錄略」有云命西曹掾集閣內外事付索綏著涼春秋，亦不及劉慶也，

蜀李西涼

蜀李者，國號成，後改稱漢，正史篇云，常璩撰漢書十卷，後入晉秘閣改爲蜀李書，故此云蜀李也，〔晉載記〕蜀李雄興學校，置史官，〔錄略〕西涼

李昂起靜恭堂以議朝政，立泮宮，增高門學士〔按〕劉云二朝記事委之門下，當在其時也，

南涼郭詔

〔晉載記南涼傳〕禿髮烏孤稱武威王，梁昶韓正張昶郭詔中州之才，令官方授才，咸得其所，〔按〕舊本作郎詔，疑卽郭詔也，但本傳與叢書錄略皆不

載國紀祭酒官，

和苞

見晉載記，劉曜傳，苞與喬豫諫營壽陵，曜悅，封爲平興子，〔隋經籍志〕漢趙記十卷，和苞撰，

董統

晉載記後燕傳，及錄略，皆缺其人，〔按〕公師曠以下，皆證諸國有史官也，事當具十六國春秋，而崔本已亡，但與正史篇十六國一條互證之，略可見矣，

元魏初稱制，卽有史臣，雜取他官，不恆

或作常

厥職。故如崔浩高閭之

徒，唯知

知如御史知離之知

著述，而未列名號。其後始於祕書置著作局，正郎二

人，佐郎四人，其佐三史者，

三史一作參史，下同，未詳，

不過一二而已。普泰

前廢帝元

，或譌作晉秦，

以來，三史稍替，別置脩史局，其職有六人。〔釋〕

此上徵其建置

當代